

貴州通志

二

貴州通志卷之第二


星野

萬物本乎天楸盤具而列曜司并騰降訢合之理也黥在九有內非亥步所不及而謂精光弗屬豈理乎然虞璿未齊保章未載以云推測曷從而稽之明始拓為郡縣遂有參井翼軫之分亦以地近荆梁無容別屬耳我


國家欽若昊天首重治曆正朔度舍考訂無譌分野之占蓋綦重已爰取曩說之善而有徵者折衷焉
作星野志

貴陽安順都勻平越威寧參井分野之圖

參七星十度五十分位次申以雉作參七星皆明天
 下兵橋
 星經曰七個參星三伐橫五井軍井參左臨天則
 四星下一矢井下直樹二井星



井八星三十一度位次未行列河中天井正明天下
太平
星經曰井八星井宿之上五候橫北河三星兩積
影井宿一錢四水位水府之上三天樽軍市圖中
一路鶴丈人子孫各二星四讀南河中關丘弧弓
九星矢一星關丘之下狼星一孫候一個老人星




翼二十二星十九度四十一分位次已近大微垣翼

明禮樂典四彝賓服

星經曰二十二翼如飛勢上五下五中元氣天子


樂府主聲名東臨五思翼下是



軫四星十八度位同翼明則天下昌四海昇平

星經曰軫宿四星中長沙左轄右轄分上下軍旁

三十二器府土司空對青丘界



星經曰熒惑主霍山揚州荊州太白主華陰山涼州雍州益州

又曰玉衡第二星主益州常以五亥日候之乙亥為漢中丁亥為永昌己亥為巴郡蜀郡牂柯辛亥為廣漢癸亥為犍為凡七郡第四星主荊州常以五卯日候之乙卯為南陽己卯為零陵辛卯為桂陽癸卯為長沙丁卯為武陵凡五郡

廣雅曰梁州之西屬北斗開陽一星

春秋元命苞曰參伐流為益州

史記觜參益州東井輿鬼雍州柳七星張三河翼

軫荊州

晉天文志曰自畢十二度至東井十五度為實沈
于辰在申魏之分野屬益州自東井十二度至柳
八度為鶉首于辰在未秦之分野屬雍州自柳九
度至張十六度為鶉火于辰在午周之分野屬三
河自張十七度至軫十一度為鶉尾于辰在巳楚
之分野屬荊州宋書司中為中台主梁州
魏陳卓郡國驢次曰越雋入觜度捷為入參三度
牂柯入參五度東井輿鬼秦雍州柳七星張周三
輔翼軫楚荊州武陵入軫十度

唐地志曰自漢三輔北地上郡盡西南彝犍為越
巋益州郡極南河之表東至牂柯

又曰西番吐番吐谷渾及西南徼外彝人皆占狼
星

宋史曰五車鄉星主益州

一統志曰宣慰司參井分野普安州井鬼分野銅
仁府星分野黎平府翼軫之餘

謝東山志曰宣慰司貴州衛前衛龍里新添平越

清平興隆威清平壩普定安莊安南普安畢節烏

撒赤水永寧等十七衛俱參井都勻府程番府

定今

州番永寧鎮寧安順普安四州俱參井之餘思州思
南鎮遠石阡銅仁黎平六府俱翼軫之餘
沈思克通志曰貴陽都勻石阡思南四府宣慰司
定番安順鎮寧永寧普安五州貴前威清平壩普
定安莊安南普安畢節烏撒赤水永寧龍里新添
平越清平興隆都勻一十八衛普市黃平二所俱
井鬼分鎮遠銅仁思州黎平四府俱柳星之餘
郭子章黔記曰黔地連楚蜀總之不出鷄首鷄火
鷄尾之次又曰星經載熒惑主荊州主興鬼柳張
貴實近荊州屬鬼柳似近之

平越新志曰漢蜀分井鬼柳瀋分井鬼考黔上附
瀋中附蜀下附楚故分野屬井鬼入觜度參七度
按天有九野地有八埏星土之所由來矣保章
九州之辨左氏分星之占備在六經固不獨六
家之說為然而或謂分野分星古不占地將梓
慎裨竈之言盡妄而聚井聚斗之驗皆虛耶黔
古無分野談者以為益州是以有觜參之說以
其近梁州是以有井鬼之說以其連荊州是以
有翼軫之說若是則一隅之黔幾占周天之半
乎一統志之蔽于地無論矣沈志則以貴陽等

虞為井鬼而以銅鎮思黎為柳分郭記又以屬
鬼柳者近似今按漢武所設之益州乃越巂犍
為牂柯三郡越巂屬滇犍為屬蜀牂柯所轄二
十四邑貴陽以上皆其地也陳卓謂牂柯入參
五度而班固謂東井與鬼秦之分野西南牂柯
越巂二州皆宜屬焉則自平越以上皆為參井
無疑矣獨謂思銅四郡為柳分據司馬子長吳
楚之疆候在熒惑占於鳥衡之語以為楚當咸
時包有武陵非復江夏雲夢之偏故不占翼軫
而占鳥衡然嘗觀史記未嘗不以觜參為益翼

軫為荆也所云鳥衡者考天官書柳謂之鳥注
軫謂之鳥駕安知不以鳥駕為鳥衡乎且唐志
云翼軫鶉尾自房陵白帝而東盡漢之南郡江
夏東達廬江南部彭蠡之西長沙武陵桂陽零
陵又逾南紀盡鬱林合浦之地自沅湘上西達
黔安之左皆全楚之分黔安即今之思南則銅
鎮四郡為在其非軫翼也或曰牂柯既屬益州
近梁州今舍觜鬼而從參井何也曰此非臆說
也牂柯占參而不占觜陳說已明至益州兼井
而不兼鬼則李淳風所云自畢十二度至井十

五度屬益州之言可驗也度之多者無如井少者無如觜是以井兼雍梁益三州亦猶斗牛兼吳越豫章也萬曆庚子狼星入於東井占者以爲滅播之象既而果應此非占在參井之一證耶或曰翼軫隔柳星張三位踰此及彼何名分野曰亦非臆說也僧一行曰懸象在天其本在地星之與土以精氣相屬而不係於方隅袁坤儀有言躔次相配者少相反者多青正東位楊在北雍正西鷄首在南則四郡之踰柳星張而躔翼軫何以異此三人占則從二人之言寧從

其衆者而已故輒以管見謂黔為參井翼軫分野貴陽安順都勻平越威寧參井之餘鎮遠石阡思州思南銅仁黎平翼軫之餘

閩梅公曰古雖有黔中之名然分隸于荆梁屬荆者占翼軫屬梁者占參井按參有十度觜有一度惟度羸故參占全晉及蜀及滇今曆參一度屬火觜十度屬水則與星經全異矣但天官家言必徵于古則考古所以信今也若夫主斗主衡主中台其法浩繁難以備舉

貴州通志卷之第三

建置沿革

黔道雖通於莊蹻而張儀以商於易黔中黔之稱
已見於記載至若貴州之得名則在宋宣和間明
初猶分隸楚蜀閱再傳始專藩焉其間因時制宜
各有建置我

朝大勲既集小腴悉平疆宇式廓版籍有增車書一
統之盛度越前古煌煌乎蓋可得而紀矣作建置

沿革志

貴州等處承宣布政使司

貴州古梁州南境荆□西裔也殷為鬼方周為靡
莫之屬戰國時楚頃襄王遣將莊蹻畧地黔中秦
為黔中郡漢為西南彝地武帝元鼎六年平南彝
分屬牂柯犍為武陵三郡蜀漢為牂柯興古二郡
晉為牂柯犍為興古武陵四郡屬荆益寧三州南
宋齊因之隋為巴東黔安清江明陽四郡地唐武
德二年歸附貞觀十六年開山洞益拓其地置牂
彝播珍等州屬黔中劍南二道採訪使昭宗大順
二年為蜀王建所有五代唐天成二年附於唐晉
天福五年都雲蠻長尹懷昌率其屬十二部牂柯